



Firenena
Mikambana

Ireo tanjon'ny fampanandrosoana ho amin'ny Taona Arivo

Ireo Firenena 189 Mpikambana ao amin'ny Firenena Mikambana dia miantoka ny fanatanterahana, hatramin'ny taona 2015, ireto tanjona manaraka ireto :

1. Mampihena ny fahantrana sy ny hanohanana

- Atao very sasaka ny ampahan'ny mponina mikarama latsaky ny iray dolara isan'andro.
- Atao very sasaka ny ampahan'ny mponina mijaly noho ny hanoanana

2. Miantoka ny fampianarana fototra ho an'ny rehetra

- Manome ny ankizy rehetra, lahy sy vavy, ny fomba hamitana ny fotoana manontolon'ny fianarana fototra

3. Manandratra ny fitovian'ny lahy sy ny vavy sy ny fizakan-tenan'ny vehivavy

- Foanana ny tsy fitovian'ny lahy sy ny vavy, eo amin'ny fanabeazana fototra sy ambaratonga faharoa, hatramin'ny taona 2005, araka izay azo atao, ary eo amin'ny ambaratonga-panabeazana rehetra kosa, hatramin'ny taona 2015, fara-fahatarany

4. Mampihena ny fahafatesan'ny zaza

- Fampihenana roa am-pahatelo ny salan'isan'ny fahafatesan'ny zaza latsaky ny 5 taona

5. Manatsara ny fahasalaman'ny renny

- Fampihenana telo am-pahafatra ny salan'isan'ny fahafatesan'ny renny

6. Miady amin'ny VIH/Sida, ny tazo moka sy ireo aretina hafa

- Ahato ny fipariahan'ny VIH/Sida ary atomboka atotongana ny tongilana misy ankehitriny

- Folahana ny tazo moka sy ireo aretina lehibe hafa, ary atomboka atotongana ny tongilana misy ankehitriny

7. Miantoka ny tontolo iainana maharitra

- Aroso ireo foto-kevitra sy fampanandrosoana maharitra ho amin'ny fihenana ireo haren'ny tontolo iainana
- Atao very sasaka ny isanjaton'ny mponina izay tsy manana fomba maharitra amin'ny famatsian - drano fisotro

- Hatsaraina ny fari-piainan'ireo olona 100 tapitrisa, fara-fahakeliny mipetraka amin'ny trano tsy zarizary, hatramin'ny taona 2020

8. Mametraka fiombonana eran-tany ho amin'ny fampandrosoana

- Katsahina ny fametrahana lamina ara-bola iraisam-pirenena mivelatra, mifotra amin'ny fitsipika, miahy sy mampiray. Izany dia heverina ho antoka ho soan'ny fitondrana tsara tantana, ny fampandrosoana sy ny ady amin'ny fahantrana, eo anivon'ny firenena sy iraisam-pirenena

- Iantohana ireo hetaheta manokan'ny firenena mahantra indrindra. Ny fanatanterahana io tanjona io dia mametraka tombatombana ny amin'ny ampidirana tsy misy haba sy tsy manara-penitra ny fomba-fomba mahazatra ireo entana aondrana any ivelany, fampiharana ny fandaharan'asa manohana ny fanamaivanana ny trosan'ireo tany mahantra tena be trosa, fanafoanana ireo trosa nifanarahana firenena roa manoloana ireo tompon-trosa ofisialy, sy ny fahafoizana fanampiam-bahoaka ho amin'ny fampandrosoana mavitrika kokoa ho an'ireo tany maneho ny finiavany hiady amin'ny fahantrana

- Valiana ny hetaheta manokan'ireo firenena mitoka-monina sy ireo Nosy madinika an-dalam-pandrosoana
- Raisina amin'ny ankapobeny ny olana amin'ny trosan'ireo tany an-dalam-pandrosoana amin'ny alalan'ny fepetra-pirenena sy iraisam-pirenena amin'ny fanefan-trosa azo atao lavitr'ezaka
- Fiaraha-miasa amin'ny tany an-dalam-pandrosoana, mamorona asa mendrika sy mamokatra ho an'ireo tanora
- Fiaraha-miasa amin'ny orinasa mpamokatra fanafody, atao tsy tapaka ary amin'ny vidiny mirary ireo fanafody tena ilaina any amin'ireo tany an-dalam-pandrosoana

- Fiaraha-miasa amin'ny sehatra tsy miankina, atao ho an'ny rehetra ny tombontsoan'ny hai-tao vaovao, isan'izany ny hai-tao amin'ny fampahalalam-baovao sy ny fifandraisana.

Mba ho fampahalalana misimisy kokoa ny tanjon'ny fampandrosoana ho amin'ny Taona Arivo, jereo "Road Map towards the Implementation of the United Nations Millennium Declaration - (Plan de campagne pour la mise en oeuvre de la Déclaration du Millénaire) amin'izao adiresy izao : www.un.org/millenniumgoals